



Volumen Epistolarum, Qvas Romani Pontifices, Gregorijs III., Stephanvs III., Zacharias I., Pavlvs I., Stephanvs IV., Adrianvs et Pseudopapa Constantinus miserunt & reges Francorum, Carolvm Martellvm, ...

Gretser, Jacob

[München], 1613

Jtem exemplar Epistolæ eiusdem Papæ, ad Domnum Carolvm regem directa, in qua continetur de camerado veltrabibus seu lignamine, quod necesse erat ad ipsam Ecclesiam sancti Petri faciendum, & de ...

[urn:nbn:de:hbz:466:1-65166](https://nbn-resolving.org/urn:nbn:de:hbz:466:1-65166)

petere deducimus, & obtinere speramus, eo quod & sub Desiderij temporibus, iurgia & scandala frequenter seminare non omittebat. Sed, excellentissime fili, ut nos, post Deum, in tuo fortissimo brachio vna cum vniuerso nostro populo speramus, & die noctuq; pro vestra sospitate, atq; victoriis diuinam exoramus clementiam, ita cum omnibus causis sanctæ Dei Ecclesiæ disponere acceleretis, ut sancta Dei Ecclesia & nosmetipsi tuis felicissimis temporibus permaneamus, ut sicut temporalia largitus est, ita & cœlestia tribuat possidenda. Incolumem excellentiam vestram gratia superna custodiat.

*Item exemplar Epistola eiusdem Papa, ad
Domnum Carolum regem directa, in qua continetur de came-
rado vel trabibus seu lignamine, quod necesse erat ad ipsam
Ecclesiam sancti Petri faciendum, & de corpore
sancto, quod * Fulgatus petiit.*

* Fulradus

LXI.

Summ. 28.
Bar. 3
Gens.

* Oddo.

DOMNO excellentissimo filio Carolo, Regi Francorum, & Langobardorum, atque Patrio Romanorum, Adrianus Papa. Directus à vestigio regalis excellentiæ vestræ * Ado, Deo amabilis Diaconus, noster vesterq; fidelis, multa nobis consueta, quæ erga nos, & B. Petrum Apostolorum principem, geritis, retulit. Quatenus omnipotenti Deo & eiusdem Apostolo gratias egimus, indefinenter orantes pro vestra sospitate atque ampla victoria. Porro dilectissime atque excellentissime fili, sicut direxistis nobis nostram petitionem adimpleri pro trabibus ad restorationem sanctæ Ecclesiæ, poscimus vestram à
Deo

Deo promotam excellentiam, vt Kalendis Augusti, hic, ad limina B. Petri, fautoris vestri, si fieri potest, paratae inueniantur, vt exinde sempiterna memoria vestra, & hic & in futuro permaneat. De *Camarado* autem, quod est Ypochartosa ad renouandum in basilica beati Petri Apostoli, nutritoris vestri, prius nobis vnum dirigite Magistrum, qui considerare debeat ipsum lignamen, quod ibidem necesse fuerit, vt sicut antiquitus fuit, ita valeat renouari, & tunc, per vestrae regalis praecellentiae iussione, dirigatur ipse Magister in partibus Spoleti, & * demandationem ibidem de ipso ** f. de mandatione.* faciat lignamine, quod in praedicto Ypochartosa, hoc est, *camarado*, necesse fuerit, quia in nostris finibus tale lignamen minime reperitur, & pro hoc sanctissimus frater noster Wulcharius Archiepiscopus, nunc minime fatigetur venire, dum ipsum lignamen per semetipsum sicceatur, quia dum viride est, non audemus exinde opera, qualiacumq; facere.

Praefatus autem * Addo Deo amabilis Diaconus, ** Oddo.* olim dum cum fratre nostro Fulrado, Deo amabili, religioso Abbate & Presbytero, huc venisset, petiit nos, vt ei corpus sanctum tribueremus, sed nos, sicut iam dudum vobis direximus, per reuelationem territi, nullo modo audemus ex ipsis sanctorum corporibus amplius quid exagitare, sed si vestra voluntas fuerit in corpore B. Candidi Martyris, quod apud Wulcharium, fratrem nostrum Archiepiscopum, reiacet, si mutatum non est; sed ipsum est, quod, sanctae recordationis, praedecessor noster, Dominus Paulus Papa concesserat dudum Aciulfo presbytero, vna vobiscum ipsum illi concedimus sanctum corpus, quia per concilium & fide dignas personas, testimonium reddentes, eius

locum atque Ecclesiam reperimus, vnde à iam fato Domno Paulo Papa ipsum sanctum corpus apud iam dictum Aciulfum presbyterum, concessum est.

**consiliant* De partibus autem Neapolitanis, sicut cum nefandissimis Græcis seu Beneventanis* conciliant, qualiter vobis insinuantes per nostras Apostolicas Syllabas direximus, omnia minutius in ore posuimus fidelissimi vestri Missi, scilicet Addoni Diacono, quod vobis enucleatius simulque per ordinem enarrare debeat, vt sicut semper, & nunc per vestram à Deo confirmatam regalem potentiam, sancta Ecclesia exaltata triumphet in ampliato honore, vna cum spiritali filia nostra, Regina, seu præcellentissima vestra prole, à terreno regno fulgentes in perpetuum, cum sanctis omnibus regnare mereamini. Incolumem excellentiam vestram gratia superna custodiat.

*Item exemplar Epistola eiusdem, Papa, ad
Domnum Carolum Regem directa pro exaltatione sancta
Ecclesie & de orationibus ipsius
Apostolici.*

LXII.

*Summ. 19.
Bar. ibid.*

DOMNO excellentissimo filio Carolo, Regi Francorum & Langobardorum, atque Patri-
cio Romanorum Adrianus Papa. Melliflua,
& à Deo protectæ tuæ excellentiæ, benignissime fili,
honorabiles suscepimus Syllabas, quibus & cum nimio amore liquido informati sumus, sed omnipotens, clemens & misericors Deus, in cuius manu cor excellentiæ tuæ, bone & Deo imitabilis fili, regitur, corroboret cor & mentem tuam, & brachium suæ potentia